

I Uvod



Evropska unija pruža aktivnu podršku Bosni i Hercegovini gotovo desetljeće i po. Ona je bila svjedok napretka zemlje – od ratom opustošene prošlosti do njenog trenutnog statusa potencijalnog kandidata za članstvo u Evropsku uniju.

I podrška Evropske unije se mijenjala i prilagođavala promjenama koje su se dešavale u zemlji i u bh. društvu: od humanitarne pomoći preko poslijeratne obnove do ekonomske regeneracije; od pomoći stanovništvu da zadovolji osnovne potrebe do podrške državi da provede nekada veoma teške političke i ekonomske reforme koje vode Bosnu i Hercegovinu bliže Evropi.

Trenutna podrška Evrope usmjerena je na gotovo sve ključne sektore, koje je neophodno uskladiti sa evropskim standardima poput sektora javne uprave, energetskog sektora, policije i kontrole granica, finansija, trgovine ili zaštite okoline.

S vremenom je Bosna i Hercegovina razvila i unaprijedila nove odnose sa Evropskom unijom: pregovori o Sporazumu o stabilizaciji i pridruživanju službeno su počeli u novembru 2005. i nastavili se redovno održavati tokom 2006. godine. Evropska unija je, više puta, jasno istakla da je budućnost Bosne i Hercegovine u Evropi, ali da uspjeh da se to postigne zavisi, isključivo, od same zemlje. Mnogo je ohrabrujućih znakova da se napredak nastavlja ostvarivati u nekim oblastima – uspješno uvođenje PDV-a ove godine primjer je toga – ali još mnogo toga ostaje da se uradi, i lideri ove zemlje imaju obavezu prema svojim sunarodnjacima da poduzmu neophodne korake kako bi ubrzali kretanje Bosne i Hercegovine ka svjetlijoj, evropskoj budućnosti.

Kako Bosna i Hercegovina napreduje na svom putu prema evropskim integracijama tako interes za Evropsku uniju neprekidno raste, i zato je važan zadatak da se zadovolji potreba za informacijama o Uniji. Ova publikacija ima cilj da pomogne svojim čitaocima da bolje razumiju Evropsku uniju i podršku koja ona osigurava institucijama i građanima ove zemlje na njenom putu ka evropskim integracijama i integracijskom procesu uopšte.

Preuzeo sam funkciju šefa Delegacije Evropske komisije u Bosni i Hercegovini u vrijeme kada je evropska perspektiva Bosne i Hercegovine bolja nego ikada prije. Svi znamo da se članstvo u Evropskoj uniji ne dobiva jednostavno time što postoji zajednička politička volja. Ono zahtijeva poduzimanje neophodnih napora i uvođenje promjena kako bi Bosna i Hercegovina u potpunosti mogla iskoristiti prednosti koje joj evropske integracije donose.

Kako Bosna i Hercegovina napreduje na svom putu prema evropskim integracijama tako interes za Evropsku uniju neprekidno raste i zato je važan zadatak da se zadovolji potreba za informacijama. Evropska unija nije samo unija diplomata i birokrata. To je unija svojih građana koja ima uticaja na gotovo svaki aspekt života evropljana. Evropska unija može biti istinski uspješna samo ako je cijela zajednica prihvati kao takvu i zato je izuzetno neophodno informisanje i komuniciranje na odgovarajućem nivou. Stoga, u potpunosti, podržavam inicijativu za izdavanje ove publikacije koja ima cilj da pomogne svojim čitaocima da bolje razumiju Evropsku uniju, podršku koja ona osigurava institucijama i građanima ove zemlje na njenom putu ka evropskim integracijama i integracijskom procesu uopšte. Siguran sam da će publikacija doprinijeti boljem razumjevanju naših zajedničkih napora i zajedničke budućnosti. Ja ću, sa svoje strane, uložiti svaki mogući napor da u svakom trenutku građani Bosne i Hercegovine budu na odgovarajući način informisani o svim našim aktivnostima. Na kraju krajeva, ovo je njihov proces.

Ambasador, **Dimitris Kourkoulas**

Šef Delegacije Evropske komisije
u Bosni i Hercegovini